

Con dereitos
desde o principio.

Por unha educación
temperá de calidade

Campaña Mundial pola
EDUCACIÓN
Coalición española www.cme-espana.org

Memoria SAME
2012 Galicia



SEMANA DE ACCIÓN MUNDIAL POLA EDUCACIÓN



¿Que é a CME?




© Educación Sin Fronteras

A **Campaña Mundial pola Educación (CME)** é unha coalición internacional formada por ONG, sindicatos do ámbito educativo, centros escolares e movementos sociais de máis de 100 países. Todos nós coincidimos en reclamar o cumprimento íntegro dos **compromisos do Cumio de Dakar** (Senegal, abril 2000) onde a comunidade internacional comprometeuse a garantir o acceso a unha *Educación de calidade para Todos e Todas antes do ano 2015*.

A **Campaña Mundial pola Educación** naceu para que este compromiso internacional valioso e necesario non pasase desapercibido. Por iso, o seu obxectivo é sensibilizar e mobilizar á cidadanía para que esixan aos seus gobernos e á comunidade internacional que cumpran as súas promesas e se responsabilicen do destino de millóns de persoas aos que se exclúe do dereito á educación.

A CME considera que a educación é:

- Un valor en si mesma e un dereito de todas as persoas
- Imprescindible para loitar contra a pobreza e lograr un desenvolvemento humano sostible.
- Unha responsabilidade fundamental dos estados.
- Unha meta alcanzable se os gobernos teñen vontade política e mobilizan os recursos necesarios.



Semana de Acción Mundial pola Educación (SAME)



© CME

A Campaña Mundial pola Educación leva a cabo diversas actividades encamiñadas á consecución da educación para todos e todas, EPT. **Dende 2001**, durante a última semana de abril, a CME organiza a **Semana Acción Mundial pola Educación**, na que os seus membros traballan conxuntamente para chamar a atención dos representantes políticos, membros da comunidade educativa, medios de comunicación e sociedade en xeral, sobre a necesidade de facer real e efectivo o dereito a unha educación básica de calidade.

O ano 2011, baixo o lema: "A educación non é conto: polos dereitos das nenas e as mulleres", a CME celebrou a SAME do 11 ao 17 de abril. Máis de 90 cidades levantaron as súas voces para reivindicar a educación para todos e todas. Lecturas de contos, testemuños, manifestos e peticións; representacións, puzzles, murais, talleres, concursos, cinefóruns, roldas de prensa, mesas redondas, participación en feiras do libro.. todo valeu para facer chegar a mensaxe clara: a educación das nenas e as mulleres e o que representa na súa persoa, na súa familia e nas comunidades, non pode esperar.

Con dereitos desde o principio.
Por unha educación temperá de calidade

A primeira infancia (0-6 anos) é unha etapa decisiva no desenvolvemento das persoas. Unha boa atención, coidado e educación nesta etapa é a base para un axeitado desenvolvemento físico, psicomotor, cognitivo, social e afectivo, así como para unha boa aprendizaxe da lingua, a escritura e o cálculo. Ademais, permite poñer en exercicio os dereitos da infancia. Os primeiros anos de vida son esenciais para lograr asegurar un bo rendemento escolar e o desenvolvemento positivo no resto de aspectos da vida. Ademais, tamén ten relación co nivel de democracia e desenvolvemento económico dos países.



© Proyecto Solidario

A pesar de que a atención e a educación na primeira infancia constitúen un dos investimentos en educación máis eficientes que pode facer un país, é un dos Obxectivos de Dakar máis desatendidos. De non tomar medidas, será moi difícil o logro da educación para todos e todas en 2015.

Dos 7000 millóns de habitantes de todo o mundo, 1000 millóns son menores de 8 anos. Máis de 150 millóns de nenos e nenas en todo o mundo participan en programas de preescolar, pero son só o 44% dos que deberían. Cada ano, máis de 200 millóns de nenos e nenas menores de cinco anos en países con ingresos baixos e medios non conseguirán o seu potencial de desenvolvemento a causa da pobreza, as deficiencias nutricionais e unha inadecuada atención e educación. A maioría deses nenos e nenas viven no Sur de Asia e en África Subsahariana. Todo iso condicionará a súa permanencia na escola, o acceso a estudos superiores, o traballo que teñan, a súa saúde e a da súa familia e a posibilidade de participar nas decisións da súa comunidade e país.

É importante que tanto as familias coma os gobernos sexan conscientes da importancia dos programas de atención e educación da primeira infancia, que deben abordar de xeito integral aspectos médicos, nutricionais e educativos.



© Dani Villanueva/Entreculturas

- **Os fillos e fillas de familias pobres e de familias rurais** son os que necesitan máis apoio, e non obstante teñen menos probabilidades de acceder a programas de atención e educación temperá.
- **A malnutrición** condiciona a capacidade de atención e aprendizaxe dos nenos e nenas que a sofren, o que supón maiores índices de fracaso e de abandono.
- **En Nepal**, o 95% dos nenos e nenas que acceden a programas de atención e educación na primeira infancia continuaron a educación primaria, fronte ao 75% dos que non accederon a estes programas.

Con dereitos desde o principio.
A SAME no mundo



© GCE



© GCE



© GCE

Millóns de persoas en todo o mundo mobilizáronse para recordar aos líderes políticos a importancia de que todos os nenos e nenas poidan acceder a programas de atención e educación nos seus primeiros anos de vida, e para pedirllles que tamén recorden e cumplan o seu compromiso de destinar os recursos necesarios para facer realidade a educación para todos e todas en 2015.

Para elo, a través da **GRANDE IMAXE**, reflectíronse os elementos que son importantes para conseguir unha educación temperá de calidade. Recolléronse un gran número de imaxes, nas técnicas máis variadas, (debuxos, colaxes, fotos.. etc.) que intentaron reflectir as aspiracións dos nenos e nenas durante a infancia: nenos e nenas felices e sans que reciben coidados nun ámbito seguro. Xunto con cada imaxe, escribíronse mensaxes reivindicando o dereito á educación para todas as persoas.

O venres 25 de maio, a CME internacional presentou miles de debuxos enviados por escolares de todo o mundo a Irina Bokova, directora xeral da UNESCO, nas súas oficinas centrais en París. Os debuxos foron entregados por alumnado de primaria francés que destacaron a importancia de que os dereitos das persoas se fagan efectivos dende o nacemento.

A SAME en España

En España a SAME celebrouse durante a semana do 23 ao 29 de abril e este ano 2012, a pesar da conxuntura, seguiu despertando interese e participación.



© CME



© CME



© CME

Máis de 150 localidades realizaron actividades vinculadas coa SAME en **16 comunidades autónomas** máis Melilla.

Participaron máis de **600 colexios** de distintos niveis educativos, máis de 60 centros de educación non formal, e ata **37 organizacións e máis de 50 persoas do mundo da cultura e o deporte** apoiaron a difusión e a mensaxe da SAME en 2012 para que máis de **90 representantes políticos** escoitaran as reivindicacións que os escolares manifestaron a favor dunha atención e educación na primeira infancia de calidade

O acto central realizouse o mércores 25 de abril na Praza do Carmen de Madrid contando con participantes chegados de toda España, entre os que se contan familias e profesorado de Preescolar na Casa e alumnos do IES Carlos Casares de Viana do Bolo (Ourense). Gonzalo Robles, Secretario Xeral de Cooperación, uniuse á CME e afirmou que "a educación será prioritaria, xunto coa sanidade, no novo Plan Director de Cooperación".

Con dereitos desde o principio. A SAME en Galicia



A Campaña Mundial pola Educación (CME), a través do seu equipo territorial en Galicia, liderou dende o ano 2003 a mobilización da sociedade galega a favor do dereito á educación para todas as persoas (EPT).

No 2012 participaron na SAME **máis de 50 centros educativos** e entidades que levaron a CME e a importancia dos programas de atención e educación á primeira infancia a **máis de 3.000 alumnos e alumnas**. Ademais, co fin de chamar a atención dos gobernos e da sociedade en xeral sobre a importancia de que todas as persoas podan ter acceso a unha educación básica de calidade, gratuíta, obrigatoria e pública organizáronse 5 actos públicos (A Coruña, Santiago, Tui, Viana do Bolo e Vigo) no que participaron 9 representantes políticos das distintas administracións. Entre todos construíron a GRANDE IMAXE GALEGA que se amosa en páxinas centrais.

[Descarga o mosaico en alta calidade](#) 



Outro dos obxectivos fundamentais da CME constitúeo o seguimento das políticas públicas de cooperación no sector educación e a formulación de propostas e recomendacións e nesa liña a CME en Galicia presentou o estudo "**AOD en educación en Galicia: unha análise da cooperación galega 2006-2010**" ao Director Xeral de Relacións Exteriores e coa UE da Xunta de Galicia, Jesús Gamallo.

O estudo, primeira análise sectorial da cooperación galega tanto no nivel autonómico como local, demostra a existencia de oportunidades para mellorar o conxunto da cooperación galega no sector educación e realiza propostas para un mellor e maior compromiso das administracións públicas galegas co dereito á educación para todas as persoas.

(Tanto o resumo executivo como o informe completo están dispoñibles para a descarga na sección de recursos/publicacións da nosa web)



Descarga o resumo executivo ou o informe completo 

(<http://www.cme-espana.org/noticia/la-cme-en-galicia-presenta-el-estudio-aod-en-educacion-en-galicia-un-analisis-de-la>)



Campaña Mundial pola

EDUCACIÓN

www.cme-espana.org

Con dereitos
desde o principio.
Por unha educación
temperá de calidade.





Tui e Valena

Unidas pola Educaci3n

M3is de 100 nenas e nenos da Escola de Primaria de Valena e do CEIP N2 de Tui participaron no acto da Campa2a Mundial pola Educaci3n e, un ano m3is, esixiron aos representantes municipais das d3as cidades unha Educaci3n de Calidade e Gratu3ta para todos e todas as nenas do mundo.

A xornada comezou coa pegada dos traballos de nenos e nenas sobre un mural coa silueta da ponte internacional que une a ambas as d3as cidades. Fotograf3as e reflexi3ns que facían referencia 3s s3as primeiras etapas no colexio e 3 a importancia de ter acceso 3 educaci3n dende moi pequeno.

Logo, tras o visionado de varias curtametraxes, os nenos e nenas traballaron cinco obradoiros (memoria, escritura, xogos tradicionais, investigaci3n e inform3tica) para finalizar traslad3ndolles aos representantes pol3ticos algunhas das petici3ns da Campa2a Mundial pola Educaci3n.

Dr 3Elisabete Domingues (Vareadora de Educaao da C3mara de Valena), **Nicol3s Lorenzo Montes** (Concelleiro de Deportes do Concello de Tui) e **Vanesa Rodr3guez Pereira** (Concelleira de Benestar Social e Cultura do Concello de Tui) **compromet3ronse a buscar estes obxectivos asinando a lona da Campa2a Mundial pola Educaci3n** que iniciaba de esta forma o seu percorrido por Galicia.

O final desta festa educativa correu a man do Contacontos Anxo Moure que fixo as delicias dos m3is pequenos cunha sesi3n de contos solidarios moi divertida e participativa.

Santiago

Clases para unha Educaci3n de Calidade

Alumnos e alumnas dos centros compostel3ns **IES Eduardo Pondal**, **IES Arcebispo Xelmirez I**, **CEIP L3pez Ferreiro** e **das Aulas da 33 Idade de Compostela (ATEGAL)** cambiaron por un d3a o seu rol e foron os profesores e profesoras dunha clase moi especial, tanto polo seu contido coma polos asistentes, entre os que podemos destacar ao **Conselleiro de Educaci3n, Jes3s V3zquez**, e 3 **Subdirectora Xeral de Cooperaci3n, Pilar Romero**.

O acto comezou cun pequeno montaxe audiovisual sobre a CME e a s3a longa traxectoria nos centros educativos galegos, tras o cal os nenos e nenas dos diferentes centros impartiron as s3as clases maxistras sobre

- Educaci3n para a Cidadan3a, falando da CME, os seus obxectivos e demandas.
- Historia, afondando na tem3tica da CME no ano 2012.
- Literatura, compartindo anaqui2os das s3as vidas e das dificultades que alg3ns atoparon para ir ao colexio.
- Co2ecemento do Medio, presentando algunhas das acci3ns educativas que a Xunta de Galicia est3 a realizar nos pa3ses do Sur.
- E Matem3ticas, record3ndonos as cifras necesarias para lograr que m3is de 67 mill3ns de nenos e nenas poidan ter acceso a unha educaci3n de calidade.

Para finalizar, o Conselleiro de Educaci3n Jes3s V3zquez tomou a palabra, recordou a s3a propia etapa como estudante e plasmou o seu compromiso asinando a lona da camp3a.



Vigo

Máis de 300 escolares defenden o dereito a Educación para todos e todas as nenas e nenos do Mundo

Alumnado do **Colexio Apóstol Santiago e do IES República Oriental do Uruguai** déronse cita no salón de actos dos Xesuítas para facer chegar as súas peticións á representante da corporación municipal, **Isaura Abeleiras, Concelleira de Benestar Social e Presidenta do Fondo de Cooperación Galego**.

Un auditorio repleto de nenos e nenas de 3, 4 e 5 anos aplaudiu con moita forza para facer chegar as súas mensaxes aos representantes políticos e que estes ademais de oílo o escoiten ben: EDUCACIÓN DE CALIDADE para todos e todas as nenas e nenos do mundo.

Ademais, os alumnos e alumnas de 3º e 4º da ESO do Colexio Apóstol e as Aulas de Educación de Adultos ATEGAL mostraron o seu apoio pegando na lona as fotografías dos seus primeiros días no colexio e, na quenda das peticións, os alumnos e alumnas do IES República Oriental do Uruguai leron o manifesto e deixaron claro que **a cooperación é un compromiso de xustiza coas persoas máis desfavorecidas do mundo**.

O final do acto estivo protagonizado pola propia Concelleira **Isaura Abelairas**, quen relatou o importante que é a educación para o desenvolvemento persoal e asinou a lona da CME.



A Coruña

Alumnos e alumnas reclaman unha educación de calidade

Alumnado de diferentes centros coruñeses (Colexio Santa María do Mar, Colexio Compañía de María, IES Agra do Orzán, IES Elviña e IES Rafael Puga) déronse cita no salón de actos do Colexio Santa María del Mar para reivindicar o dereito á educación para todas as persoas do mundo. En total máis de 200 alumnos e alumnas coruñeses participaron neste acto conducido con mestría por Juan José Fernández (voluntario da CME).

Poesías, relatos en primeira persoa, recordos dos primeiros días de colexio, fotografías e lecturas dalgunhas das peticións da CME foron as ferramentas elixidas para trasladar aos representantes políticos os desexos dos escolares.

José Luis Quintela Julián (Director da Área de Servizos Sociais do Concello da Coruña), Francisco Mourelo (Concelleiro de Educación), Dolores Faraldo (Vicepresidente da Deputación da Coruña) e Juan José Tomillo González (Director do Colexio Santa María del Mar) compartiron as súas experiencias co auditorio e, tras a lectura do manifesto da CME asinaron a lona na que veñen recollidas as principais peticións da campaña.



Viana mobilízase pola Educación Universal

Na localidade de Viana do Bolo (Ourense), 150 persoas, entre elas alumnos e alumnas, pais e nais, profesorado e persoal non docente do **IES Carlos Casares de Viana do Bolo** e a **Fundación Preescolar na casa**, reclamaron un ensino universal e de calidade para os máis de 61 millóns de nenos e nenas que non teñen acceso a educación no mundo.

A experiencia serviu para reflexionar sobre a importancia da educación temperá no desenvolvemento persoal e para facer fincapé no dereito á educación e á atención na primeira infancia (AEPI). Os alumnos do IES, que traballaron a Campaña con anterioridade, uníronse aportando as súas fotos e pensamentos sobre a importancia da educación nos primeiros anos.

Luis Fernández, director do centro, incidiu na idea de que, nun momento de recortes en educación pública en España, debemos facer entender mellor as necesidades de moitos millóns de persoas en países do Sur que levan con "recortes estruturais permanentes" o seu dereito a unha educación de unha mínima calidade.

É de destacar a participación nese acto e a adhesión á SAME da **Fundación Preescolar** na casa, entidade pioneira na atención educativa á infancia 0-6 galega (especialmente a infancia menos favorecida -aquela que vive en áreas rurais ou pertence a sectores de poboación en risco-) que, por medio dunha das súas educadoras xunto cos pais e nais dos nenos, escenificou unha das súas habituais sesións ante a atenta mirada do alumnado de Bacharelato do instituto.

O programa tivo que botar o peche a finais de xuño de 2012. Lamentamos e denunciarnos que un programa referente internacional dende o ano 1977 teña que pechar as portas por falta de financiamento deixando desatendida á poboación máis dispersa de zonas rurais de Galicia.. un exemplo próximo dos recortes que a crise pode "xustificar" en moitos lugares do planeta.

Máis información na web www.preescolarnacasa.org ➡



E seguimos traballando...

..xuntos pola consecución da EPT. Xa estamos a preparar a SAME 2013, que tratará sobre
A REVALORIZACIÓN DA PROFESIÓN DOCENTE e que terá lugar durante a semana do 22 ao 28 de abril.

AGRADÁMOSVOS A TODOS E A TODAS!



Participaron en Galicia:

Abeiro Centro Xuvenil, ATEGAL Asociación Cultural Gallega de Formación Permanente de Adultos (Vigo), ATEGAL Aulas da Terceira Idade (Santiago), CEIP de Viñas, CEIP Juan Fernández Latorre, CEIP López Ferreiro, CEIP Manuel Vidal Portela, CEIP N°2 Tui, CEIP Os Casais, CEIP Plurilingüe A Reigosa, Centro Infantil Ludoteca "Trasnos", CEP de Ventín, Colegio El Castro, Colexio A Inmaculada, Colexio Apóstol Santiago (Vigo), Colexio Compañía de María (Santiago), Colexio Miralba - Hijas de Jesús (Vigo), Colexio Santa María do Mar, Compañía de María (Vigo), Comunidade de Base Coia, CPI Conde de Fenosa, CPI Cruz do Sar, CPI de Cova Terreña, CPI Virxe da Cela, CPR Plurilingüe Montesol, EEI de Milladoiro, EEI Vilalaura, Escola Infantil "El Jardín de los Mimos", Escola Municipal Infantil de Ribeira, Escola Pública de Valença do Minho, FOANPAS Federación Olívica de Asociacións de Nais e Pais de Alumnos, Fundación Preescolar na Casa, Gardería "Mami", IES Agra do Orzán, IES Antón Fraguas Fraguas, IES Arcebispo Xelmírez I, IES Campo de San Alberto, IES Carlos Casares, IES Eduardo Pondal, IES Elviña, IES Marco do Camballón, IES Monelos, IES Poeta Díaz Castro, IES Poio, IES Rafael Puga Ramón, IES República Oriental do Uruguai, IES Rosalía de Castro, IES Salvador de Madariaga, IES Xulián Magariños, Servicio Municipal de Atención a la Infancia de A Coruña e STEG Sindicato dos Traballadores e Traballadoras do Ensino de Galicia.

**Todos os documentos, incluída esta memoria, están dispoñibles para a descarga
na sección de Galicia da web www.cme-espana.org** ➡

¡Participa!

Invitamos a todas as persoas que traballan polo Dereito a Educación a sumarse á Campaña Mundial pola Educación e participar na Semana de Acción Mundial pola Educación 2013, organizando actividades en todas as cidades de Galicia.

¡Infórmate!

Queres informarte dos obxectivos da Campaña Mundial pola Educación, as súas actividades, os avances... Consulta a páxina web:
www.cme-espana.org

Contacta

Coordinación da Campaña Mundial pola Educación en Galicia:
cme-galicia@cme-espana.org

Campaña Mundial pola
EDUCACIÓN
Coalición española www.cme-espana.org

A Coalición Galega da Campaña Mundial pola Educación está integrada por:



Organizacións que participan na SAME a nivel estatal:



Colaboran:



Dirección de arte, diseño e ilustraciones: Maribel Vázquez